

CONVOCATORIA DE CERTAME LLITERARIU XIV CONCURSO CARTES D'AMOR SAN VALENTÍN

L'Asociación Cultural Valentín Andrés, xunto col Foro de Creación y Lectura de la Biblioteca de Grau/Grado, convocan el XIV Certame Llitterariu Cartes d'Amor San Valentín acordies coles bases que van darréu:



BASES

Primera.- Los participantes presentarán una sola obra orixinal, inédita y non premiada n'otros concursos, en xéneru epistolar (una carta) onde la temática será l'amor en cualquiera de les sos manifestaciones, bien en prosa, en versu o nes dos modalidaes. D'otra miente, almitiránse versiones en cualquier materialización gráfica, incluyíu'l cómic.

Segunda.- Toles cartes han presentase en papel y por triplicáu (tres copies). Nun s'almitirá l'unviu per corréu electrónicu. Podrá participar cualquier persona mayor de 15 años. El plazu de presentación abriráse'l 1 de xineru de 2020 y pesllaráse'l 9 de febreru de 2020 a les 21 hores.

Tercera.- Les obres han tener una llargor de más d'un foliu y nun pasar de los tres folios, n'entrambos casos escritos per una sola plana. Llevarán títulu y acompañaránse de los datos completos del autor (incluyíu un teléfonu de contautu). Nel supuestu de presentase textos autógrafos; col envís de nun s'enquivocar, tarán escritos con caracteres en mayúscula.

Cuarta.- Les cartes podrán presentase per cualquiera de los medios que van darréu:

—Per corréu a la Biblioteca Municipal de Grau "Valentín Andrés Álvarez", C/ Cerro de la Muralla s/n, 33820 Grau (Asturies) España, indicando nel sobre "XIV Certame de Cartes d' Amor".

—En persona na propia Biblioteca nel plazu establecíu y dientro l'horariu d'apertura del centru (de llunes a vienres de 10:00 a 21:00 h.)

Quinta.- Los trabayos serán evaluaos por un Xuráu designáu polos organizadores ente persones venceyaes al mundu de la cultura y la

literatura. El fallo proclamará la carta ganadora del concurso y será inapelable.

Sesta.- L'anunciu de la carta ganadora del concursu tendrá llugar el 14 de febreru de 2020 polos mesmos medios en que se convocó'l concursu

Sétima.- La carta ganadora recibirá como premiu 150 €, un diploma acreditativu y el so espublizamientu na revista "Las Hojas del Foro".

Octava.- La participación nel concursu implica l'aceptación de les presentes bases, quedando la interpretación y resolución de les dudes remanecies d'elles a les entidaes organizadores.